



REPUBLICA E KOSOVËS-REPUBLIKA KOSOVA-REPUBLIC OF KOSOVO  
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS  
NEZAVISNI NADZORNI ODBOR CIVILNE SLUŽBE KOSOVA  
INDEPENDENT OVERSIGHT BOARD CIVIL SERVICE OF KOSOVO

Pranuar / Dorezuar Primjeno / Prodato Received / Delivery	10.12.2018	viti god year	
Organ / Njësia Organ / Jedinica Org. / Unit	Nr. Prot. Br. Prot. Prot. No.	Shtojca Prilog Appendix	Sasia Kolicina Quantity
SKPMSHCK	7520/2018		113



**Republika e Kosovës**  
**Republika Kosova – Republic of Kosovo**

**KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS**  
**NEZAVISNI NADZORNI ODBOR CIVILNE SLUŽBE KOSOVA**  
**INDEPENDENT OVERSIGHT BOARD FOR THE CIVIL SERVICE OF KOSOV**

**A.nr.745/2018**

**Këshilli i Pavarur Mbikëqyrës për Shërbimin Civil të Kosovës** – Kolegji për shqyrtimin e ankesave i përbërë nga: Eshref Shabani - kryetar, Shkëmb Manaj dhe Malsore Gashi- anëtarë, Rushit Kajtazi, Zyrtar i Lartë për Bashkëpunim Profesional, në cilësinë e procesmbajtësit për shqyrtimin e ankesës A. Nr. 745 /2018, të datës 16.11.2018, së ankuesit Nexhat Krasniqi, me adresë banimi, rruga „ Rexhep Luci ” nr. 19/9 , nga Komuna e Prishtinës, kundër organit të punësimit Ministria e Infrastrukturës, në çështjen juridike “ Ndërprerje e marrëdhënies se Punës”, duke vepruar në pajtim me nenin 6 paragrafin 1.1 nënparagrafin 1.1, nenin 16 dhe nenin 18 paragrafin 1 nënparagrafin 1.7 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim me datë 10.12.2018, mori këtë

**V E N D I M**

**HEDHET POSHTË si e palejuar** ankesa A. Nr. 745/2018 e datës 16.11.2018 e parashtruar nga ankuesi Nexhat Krasniqi.

**A r s y e t i m**

Ushtruesi i Detyrës se Sekretarit të Përgjithshëm të Ministrisë së Infrastrukturës, me datën 12.11.2018, me numër protokolli 10641, ka nxjerr vendim me të cilin ankuesit Nexhat Krasniqi, i ka shqiptuar masën disiplinore „ Ndërprerje e marrëdhënies së Punës në Shërbimin Civil”.

Ankuesi Nexhat Krasniqi, i pakënaqur me vendimin e datës 12.11.2018, së ushtruesit të detyrës se Sekretarit të Përgjithshëm të Ministrisë së Infrastrukturës, me datën 16.11.2018, me numër protokolli 6878/2018, sipas këshillës juridike që i është dhënë në vendim, ka parashtruar ankesë në Këshillin e Pavarur Mbikëqyrës të Shërbimit Civil të Kosovës.

Kolegji për shqyrtimin e ankesave ka administruar këto prova: Ankesën A. Nr. 745/2018, me numër protokolli 6878/2018 , drejtuar Këshillit të Pavarur Mbikëqyrës për Shërbimin Civil të Kosovës; vendimi i datës 12.11.2018, i u.d. Sekretarit të Përgjithshëm të Ministrisë se Infrastrukturës; Vendimi i datës 09.07.2018 i Sekretarit të Përgjithshëm të Ministrisë se Infrastrukturës; Kërkesa për përgjigje në ankesë e Këshillit e datës 19.11.2018 me numër prot. SKPMSHCK 69033/2018.



Kolegji për shqyrtimin e ankesave konstaton se edhe përkundër faktit që Këshilli i ka dërguar Ministrisë së Infrastrukturës kërkesën për përgjigje në ankesë të e datës 19.11.2018 me numër prot. SKPMSHCK 69033/2018, e njëjta nuk i është përgjigjur kërkesës së Këshillit duke vepruar në kundërshtim me nenin 25 paragrafin 2 të Ligjit Nr. 06/l -048 për Këshillin e Pavarur Mbikëqyrës për Shërbimin Civil të Kosovës, ku përcaktohet se ***“Institucionet e administratës publike që kanë të punësuar nëpunës civil, si dhe çdo funksionar publik ose nëpunës civil, që ka kompetenca në administrimin e shërbimit civil, apo ka informacion në këtë fushë, janë të obliguar të bashkëpunojnë me Këshillin”***.

Kolegji për shqyrtimin e ankesave, pasi ka shqyrtuar të gjitha shkresat e bashkangjitura të lëndës të dërguara nga ankuesi dhe organi i punësimit, ka konstatuar se ankesa e ankuesit Nexhat Krasniqi, ***është e palejuar, sepse:***

Kolegji për shqyrtimin e ankesave ka konstatuar se ushtruesi i detyrës së Sekretarit të Përgjithshëm të Ministrisë së Infrastrukturës, me datën 12.11.2018, ka nxjerr vendim me të cilin ankuesit Nexhat Krasniqi, i ka shqiptuar masën disiplinore „Ndërprerje e marrëdhënies së Punës në Shërbimin Civil”, duke i dhënë këshillën juridike që në afat prej 30 ditësh nga marrja e këtij vendimi ka të drejtë të parashtoj ankesë në Këshillin e Pavarur Mbikëqyrës për Shërbimin Civil të Kosovës.

Kolegji për shqyrtimin e ankesave, ka konstatuar se ankuesi Nexhat Krasniqi, e ka parashtruar ankesën në Këshillin e Pavarur Mbikëqyrës për Shërbimin Civil, pa i shterrur burimet e brendshme të animimit, respektivisht pa parashtruar ankesë në Komisionin për Zgjidhjen e Kontesteve dhe të Ankesave tek organi i punësimit - Ministria e Infrastrukturës.

Kolegji për shqyrtimin e ankesave ka konstatuar se ankuesi Nexhat Krasniqi, ankesën me datën 16.11.2018, me numër protokolli 6878/201, në Këshill, e ka parashtruar në kundërshtim me nenin 16 paragrafi 4 të Ligjit Nr. 06/l -048 për Këshillin e Pavarur Mbikëqyrës për Shërbimin Civil të Kosovës, ku përcaktohet se ***“Para parashtrimi të ankesës në Këshill, nëpunësi civil apo kandidati i cili pretendon se është dëmtuar, duhet t’i ketë shteruar procedurat e brendshme të ankesave brenda organit përkatës të punësimit, nëse me ligj të veçantë nuk është përcaktuar ndryshe”***, si dhe në kundërshtim me nenin 82 paragrafi 2 të Ligjit Nr. 03/L-149 për Shërbimin Civil të Republikës së Kosovës, ku përcaktohet se ***“Vendimet e komisioneve për zgjidhjen e kontesteve dhe të ankesave janë të detyrueshme për institucionet e administratës publike dhe për të gjitha palët përkatëse. Kundër vendimeve të tyre mund të paraqitet ankesë në Këshillin e Pavarur Mbikëqyrës”***.

Kolegji për shqyrtimin e ankesave konstaton se ushtruesi i detyrës së Sekretarit të Përgjithshëm të Ministrisë së Infrastrukturës, me datën 12.11.2018, ka nxjerr vendim me të cilin ankuesit Nexhat Krasniqi, i ka shqiptuar masën disiplinore „Ndërprerje e marrëdhënies së Punës në Shërbimin Civil”, duke i dhënë këshillën juridike që në afat prej 30 ditësh nga marrja e këtij vendimi ka të drejtë të parashtoj ankesë në Këshillin e Pavarur Mbikëqyrës për Shërbimin Civil të Kosovës. në këtë rast kolegji konstaton se ankuesit i është dhënë gabimisht këshilla juridike, duke vepruar në kundërshtim me nenin 82 paragrafi 2 të Ligjit Nr. 03/L-149 për Shërbimin Civil të Republikës së Kosovës dhe nenit 16 paragrafi 4 të Ligjit Nr. 06/l -048 për Këshillin e Pavarur Mbikëqyrës për Shërbimin Civil të Kosovës sepse në këtë rast ankuesit është dashur ti jepet këshilla juridike që ka të drejtë ankesë në Komisionin për Zgjidhjen e Kontesteve dhe të Ankesave të Ministrisë së Infrastrukturës.





Kolegji për shqyrtimin e ankesave konstaton se në pajtim me ligjin ankuesi ka të drejtë të parashtroj ankesë fillimisht në Komisionin për Zgjidhjen e Kontesteve dhe të Ankesave të organit të punësimit dhe pastaj nëse është i pakënaqur me vendimin e Komisionit, mund të parashtroj ankesë në Këshillin e Pavarur Mbikëqyrës për Shërbimin Civil të Kosovës.

Andaj bazuar në këto rrethana Kolegji për shqyrtimin e ankesave, pas analizimit dhe vlerësimit të të gjitha shkresave të lëndës si dhe duke u bazuar në kompetencën e Këshillit, vendosi si në dispozitiv të këtij Vendimi.

**Këshillë juridike:** Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në gjykatën kompetente, Gjykatën Themelore në Prishtinë Departamenti për Çështje Administrative brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalin ekzekutimin e këtij vendimi.

***Këshilli i Pavarur Mbikëqyrës për Shërbimin Civil të Kosovës***  
***Lënda Nr. A. Nr. 503/2018***

**Eshref SHABANI**  
  
**Kryetar i Kolegjit**



**Rushit KAJTAZI**  
  
**Procesmbajtës**

***Vendimi i dërgohet:***

- Ankuesit Nexhat Krasniqi;
- Sekretarit të Përgjithshëm të Ministrisë së Infrastrukturës;
- Udhëheqësit të Personelit në Ministrinë e Infrastrukturës; dhe
- Arkivit të KPMSHCK-së